

Stomatološki fakultet sa Klinikama u Sarajevu, ul. Bolnička broj 4a., zastupan po Dekanu prof. dr. sc. Muhamedu Ajanoviću (u daljem tekstu **Naručilac**)

i

„**Ekodimnjačar**“ d.o.o. Sarajevo, ul. Ramiza Salčina broj 2, zastupan po Jusufu Čosiću (u daljem tekstu **Izvršilac**) zaključili su dana _____ godine

UGOVOR O PRUŽANJU DIMNJAČARSKIH USLUGA

Član 1.

Ovim Ugovorom se regulišu prava, obaveze ugovornih strana vezanih za pružanje dimnjačarskih usluga na Stomatološkom fakultetu sa klinikama u Sarajevu, ul. Bolnička 4a, u cilju obezbjeđenja ispravnog funkcionisanja dimovodnih objekata i uređaja, preventivne zaštite života i imovine od požara kao i zaštite vazduha od zagađivanja, a sve na osnovu Zakona o zaštiti od požara i vatrogastva (Službeni list FBiH, br.: 64/09), kao i na osnovu odluke o zaštiti i poboljšanju kvaliteta zraka u Kantonu Sarajevo (Službene novine Kantona Sarajevo, br.: 23/16).

Član 2.

Objekti, rokovi, cijena i dinamika vršenja usluga u skladu sa propisima naznačenim u članu 1. ovog Ugovora ugovorene strane će saglasno utvrđivati kroz sljedeću specifikaciju:

1. Mehaničko čišćenje plameno-dimne strane kotlova 2 kom. Q = 475 kW 440,00 KM;
2. Mehaničko čišćenje plameno-dimne strane kotla 1 kom. Q = 1280 kW 280,00 KM;
3. Mehaničko čišćenje dimnjaka H = 20 m 50,00 KM;
4. Mehaničko čišćenje kanala L = 6 m 30,00 KM;
5. Antikorozivna zaštita kotlova na kraju grejne sezone 3 kom. 600,00 KM.

Član 3.

Izvršenje usluga ovjerava lice koje je prisutno kod čišćenja i potvrđuje potpisom i pečatom na nalogu izvršioca kao ovjerom i potpisom na uručenom računu. **Naručilac** je dužan obezbijediti potrebne priključke, mjesto deponovanja ukoliko se pokaže potreba.

Član 4.

Izvršilac se obavezuje da će usluge obaviti stručno i kvalitetno na način koji isključuje nanošenje materijalne štete. Eventualna materijalna šteta, te visina iste cijenit će se po načelu krivca i grube nepažnje uz prisustvo ugovorene strane. Ukoliko se način iz prethodnog stava utvrdi odgovornost izvršioca isti se obavezuje na naknadu materijalne štete. U slučaju da se radovi izvode na dotrajalim objektima, pa uslijed toga dođe do štete, izvršilac nije odgovoran. Ukoliko se radi o dotrajalim postrojenjima, a poslije hemijskog čišćenja i skidanja vodenog kamena dođe do curenja vode iz postrojenja Izvršilac ne snosi troškove sanacije.

Član 5.

Pružanje dimnjačarskih usluga će se izvoditi svaki drugi mjesec u sezoni loženja za kotlove na plin, a na osnovu Zakona o zaštiti od požara i vatrogastva (Službeni list FBiH, br.: 64/09), kao i na osnovu Odluke o zaštiti i poboljšanju kvaliteta zraka u Kantonu Sarajevo (Službene novine Kantona Sarajevo, br.: 23/16). U slučaju potrebe češćeg pružanja dimnjačarskih usluga (čišćenja i ostali poslovi) radit će se po dogovoru. U sklopu ovog ugovora su i vizuelni pregledi stanja kotla u toku grejne sezone kao i izdavanje protokola (zapisnika).

Član 6.

Ugovorene stane mogu raskinuti ugovor shodno odredbama Zakona o obligacionim odnosima. Ugovor se raskida pismenim putem gdje mora biti naznačeno zbog čega se ugovor raskida.

Sve izmjene i dopune ugovora ugovorne strane će rješavati potpisivanjem Anexa ugovora.

Član 7.

Ugovor je punovažan i stupa na snagu sa danom obostranog potpisivanja i isti se potpisuje na period važenja od 1 (jedne) godine.


Član 8.

Za sporove između ugovornih strana vezano za postojanje, izradu i izvršenje ovog Ugovora ili bilo koji spor u vezi sa poslovnim odnosima Ugovornih strana, a koje ugovorne strane ne mogu riješiti mirnim putem, bit će nadležan Općinski sud u Sarajevu.

Član 9.

Ugovor je sačinjen u 4 (četiri) primjerka od kojih svaka strana zadržava po 2 (dva).

ZA NARUČIOCA
Stomatološki fakultet
sa klinikama u Sarajevu
DEKAN


Prof. dr. sc. Muhamed Ajanović



ZA IZVRŠIOCA
Ekodimnjačar d.o.o. Sarajevo


Direktor, Jusuf Čosić

Broj: 02-2-1-242-20/19
Sarajevo, 31.01.2020.

Broj: 019/2020
Sarajevo, _____